



Bosnia and Herzegovina
Federation of Bosnia and Herzegovina

CANTON SARAJEVO
Ministry of Veteran's affairs

Broj: 01-05-15502-34/19
Sarajevo, 03.05.2019. godine

SKUPŠTINA KANTONA SARAJEVO
-OVDJE-

Predmet: Izjašnjenje na zastupničku inicijativu zastupnice Neire Dizdarević, dostavlja se

Zastupnica Neira Dizdarević je na Sedmoj radnoj sjednici Skupštine Kantona Sarajevo održanoj dana 17.04.2019. godine u okviru tačke Dnevnog reda „Poslanička/zastupnička pitanja, inicijative i odgovori“, a u skladu sa Poslovníkom Skupštine Kantona Sarajevo, pokrenula zastupničku inicijativu:

„Na osnovu članova 106. i 213. Poslovníka Skupštine Kantona Sarajevo („Službene novine Kantona Sarajevo-Dруги novi prečišćeni tekst br.41/12, 15/13, 47/13, 47/15 i 48/16) upućujem zastupničku inicijativu prema Vladi Kantona Sarajevo da poduzme sve potrebne aktivnosti na izmjeni i dopuni zakonskih akata koji tretiraju pravo na rad sa polovinom punog radnog vremena za majke troje i više djece, na način da u periodu od godinu dana po isteku porođiljskog odsustva, kada ostvaruju pravo na rad na pola radnog vremena, za isti budu plaćene u punom iznosu plaće. Obrazloženje - Loša demografska slika posljedica je nedostatka strategijskog djelovanja, odnosno nepostojanja pronatalitetne politike. Navedeno je dovelo do starenja stanovništva, što može imati dalekosežne, dakako negativne, posljedice na sve aspekte društva. Jasno je da su uzroci eskalacija bijele kuge u Bosni i Hercegovini ekonomske prirode. Zbog toga se sve manje ljudi odlučuje na stupanje u bračne zajednice, a porodice sa troje i više djece su izuzetak. Smatram da bi majke troje ili više djece trebale biti stimulisane da nastave da rade polovinu punog radnog vremena i da za taj rad, zbog obaveza, ali i izdataka koje takva vrsta majčinstva nosi sa sobom, budu plaćene u punom iznosu plate. Obaveza nas kao zakonodavaca je da investiramo u mjere pronataliteta politike i iskreno se nadam pozitivnom ishodu navedene inicijative“.

Na pokrenutu zastupničku inicijativu dajemo sljedeće

I Z J A Š N J E N J E

Ministarstvo za boračka pitanja Kantona Sarajevo, ističe da podržava pokrenutu inicijativu. Vezano za navedenu inicijativu ističemo da je članom 10. Pravilnika o plaćama i naknadama



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251

Sarajevo, Reisa Džemaludina Čauševića 1



državnih službenika i namještenika Ministarstva za boračka pitanja Kantona Sarajevo, broj: 06-02-4220/19 Sarajevo, 21.02.2019. godine, definisano sljedeće:

(1) "Nakon isteka porođajnog odsustva, žena sa djetetom najmanje do jedne godine života ima pravo da radi polovinu punog radnog vremena, a za blizance, treće i svako slijedeće dijete ima pravo da radi polovinu punog radnog vremena do navršene dvije godine života djeteta, ako propisom kantona nije predviđeno duže trajanje ovog prava.

(2) Pravo iz stava (1) ovog člana može koristiti i radnik -otac djeteta, ako žena za to vrijeme radi u punom radnom vremenu.

(3) Ženi - majci koja u skladu sa propisima o radu ima pravo na rad sa polovinom punog radnog vremena, naknada plaće za polovinu radnog vremena kada ne radi, utvrđuje se u iznosu od 30% prosječne plaće, u skladu sa članom 153. Zakonom o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 38/14 - Prečišćen tekst, 38/16, 44/17 i 28/18)."

Ovom prilikom Vas također informišemo da u ovom Ministarstvu jedna uposlenica već radi sa polovinom punog radnog vremena nakon isteka porođajnog odsustva.

S poštovanjem,



Dostaviti:

- Predsjedavajućem Skupštine Kantona Sarajevo,
- Sekretaru Skupštine Kantona Sarajevo,
- Sekretaru Vlade Kantona Sarajevo,
- A/a.



web: <http://mbp.ks.gov.ba>
e-mail: mbp@mbp.ks.gov.ba
Tel: + 387 (0) 33 562-012,
Fax: + 387 (0) 33 562-251
Sarajevo, Reisa Džemaludina Čauševića 1

